

Sarajevo, 04.10.2018

Broj: 02-03-50748

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-48032 od 20.09.2018. godine, Generalna direktorica donosi:

### **ODLUKU**

o izboru najpovoljnijeg ponuđača  
za nabavku dijelova - sanacija postrojenja za pripremu vode u sklopu postojećeg sistema za proizvodnju permeata za potrebe O.J. Klinika za hemodijalizu KCUS

#### **I**

Prihvata se prijedlog Komisije za javnu nabavku, Izvještaj br. 03-06-48032 od 20.09.2018. godine za nabavku dijelova - sanacija postrojenja za pripremu vode u sklopu postojećeg sistema za proizvodnju permeata za potrebe O.J. Klinika za hemodijalizu KCUS nakon provedenog konkurentskog zahtjeva i ugovor se dodjeljuje ponuđaču **ELEKTRO-NIERE d.o.o. Sarajevo** u skladu sa jediničnim cijenama dostavljenih uz ponudu koje će biti sastavni dio sporazuma.

**Cijena: 17.360,00 KM + PDV**

Uslovi plaćanja: odgođeno plaćanje 60 dana po isporuci, demontaži, montaži, puštanju u rad i ispostavljenom računu.

#### **II**

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

#### **III**

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđaču učesniku u postupku javne nabavke.

### **OBRAZLOŽENJE**

Na osnovu Odluke o pokretanju postupka javne nabavke br.02-03-46040 od 07.09.2018. godine sa procijenjenom vrijednosti nabavke u iznosu od 22.000,00 KM bez PDV-a, Klinički centar Univerziteta u Sarajevu je 07.09.2018. godine objavio Obavještenje o nabavci broj: 893-7-1-500-3-300/18 na portalu e-Nabavke zajedno sa tenderskom dokumentacijom za za nabavku dijelova - sanacija postrojenja za pripremu vode u sklopu postojećeg sistema za proizvodnju permeata za potrebe O.J. Klinika za hemodijalizu KCUS putem konkurentskog zahtjeva.

U skladu sa Čl.88 Zakona o javnim nabavkama Poziv za učešće u postupku javne nabavke putem e-maila upućen je slijedećim ponuđačima: BIOMEDIA d.o.o. Sarajevo, ELEKTRO-NIERE d.o.o. Sarajevo i NOBILIS d.o.o. Sarajevo. Obzirom da je tenderska dokumentacija za postupak nabavke, objavljena na portalu

e-Nabavke istu je preuzelo 10 (deset) ponuđača, a do krajnjeg roka određenog za prijem ponuda, 17.09.2018 godine, dostavljene su 2 (dvije) ponude ponuđača kako slijedi:

1. Elektro-Niere d.o.o. Sarajevo sa cijenom ponude 17.360,00 KM bez PDV-a
2. INEL-MED d.o.o Mostar sa cijenom ponude 30.571,60 KM bez PDV-a

Komisija imenovana Odlukom broj: 02-03-47076 od 14.09.2018.godine pristupila je konstatovala slijedeće:

1. Ponuđač **INEL-MED d.o.o Mostar**, dostavio je ponudu u iznosu 30.571,60 KM bez PDV-a, koja je znatno veća od procjenjene vrijednosti predmetne nabavke, koja iznosi 22.000,00 KM bez PDV-a, te ista ne učestvuje u dijelu po kojem se ponude vrednuju prema kriteriju najniža cijena.
2. Ponuda ponuđača Elektro-Niere d.o.o. Sarajevo je formalno, pravni i tehnički ispravna.

Cijena zadovoljavajuće ponude je u okviru osiguranih sredstava za nabavku, te da je u konkurentskom zahtjevu zadovoljena transparentnost, Komisija je dala prijedlog, Izvještaj br. 03-06-48032 od 20.09.2018. godine, da se za nabavku dijelova - sanacija postrojenja za pripremu vode u sklopu postojećeg sistema za proizvodnju permeata za potrebe O.J. Klinika za hemodijalizu KCUS, donese odluka o izboru najpovoljnijeg ponuđača i ugovor dodjeli ponuđaču ELEKTRO-NIERE d.o.o. Sarajevo, u ukupnom iznosu do 17.360,00KM bez PDV-a, a u skladu sa jediničnim cijenama dostavljenih uz ponudu koje će biti sastavni dio ugovora.

Prijedlog Komisije je prihvaćen i donijeta je odluka kao u dispozitivu.



**GENERALNA DIREKTORICA**

**Prof. dr. Sebnija Izetbegović**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS